

pœnitenti semper condonandum : pusillos non contemnendos. Matth. 18. vers. 6... 17. Marc. 9. vers. 37... 46. Luc. 9... 49. 50. & Luc. 17. vers. 1... 4.

*I. C. suis eum monentibus ut ob festum Tabernaculorum in Judæam transiret, eos præmissos occultè subsequitur.*

XCII. Erat autem in proximo dies festus Judæorum, Scenopegia. Dixerunt ad eum fratres ejus: Transi hinc, & vade in Judæam, ut & discipuli tui videant opera tua, quæ facis, manifesta te ipsum mundo. Dicit Iesus, Tempus meum nondum venit: vos ascendite ad diem Festum hunc. Hæc cum dixisset, mansit in Galilæa. Ut autem ascenderunt fratres ejus, tunc & ipse ascendit ad diem Festum non manifestè, sed quasi in occulto. Ioan. 7. vers. 2... 10.

*I. C. à Galilæa per mediam Samariam transiens, à Samaritanis non recipitur.*

XCIII. Factum est dum complerentur dies Assumptionis ejus, ipse faciem suam firmavit, ut iret in Ierusalem. Misit nuntios ante conspectum suum, & euntes intraverunt in civitatem Samaritanorum, ut pararent illi, non receperunt eum, quia facies ejus erat euntis in Ierusalem, quos cum Discipuli ejus igne cælesti consumendos vellent, dixit illis, Filium hominis non venisse, ut animas perderet, sed ut salvaret, & abierunt in aliud castellum. Luc. 9. vers. 51... 56.

*I. C. in itinere, obvios decem leprosos ad Sacerdotes ire jubet; euntes mundat, quorum unus Samaritanus regressus gratias agit.*

XCIII. Factum est dum iret in Ierusalem, transibat per mediam Samariam: & cum ingrederetur quoddam castellum, occurrerunt ei decem leprosi, qui steterunt à longè, & levaverunt vocem dicentes: Iesu præceptor miserere nostri. Quos ut vidit, dixit, Ite ostendite vos Sacerdotibus, & factum est dum irent, mundati sunt. Unus autem ex illis, ut vidit, quia mundatus est, regressus est magnificans Deum, & hic erat Samaritanus. Luc. 17. vers. 11... 19.

*I. C. ingressus Ierosolimam docet palam in templo, se à Deo missum.*

XCIV. Iam autem die Festo mediante, ascendit Iesus in Templum, & docebat, & mirabantur Iudæi, dicentes: Quomodo hic literas scit, cum non didicerit? Respondit Iesus, & dixit: Mea doctrina non est mea, sed ejus qui misit me. Qui à semetipso loquitur, gloriam propriam quærit: qui autem quærit gloriam ejus, qui misit eum, hic verax est, & injustitia in illo non est, &c. Hic varia de Christi doctrina dantur indicia, à Principibus autem & Phariseis ministri mittuntur ad eum capiendum: ii auditâ ejus prædicatione, eum laudant, sed & Nicodemus

cum ipsum defendere vellet, malè à sociis audit. Ioan. 7. vers. 14... 53.

*I. C. ascendit ad montem Oliveti.*

Iesus autem perrexit ad montem Oliveti. XCV. Ioan. 8. vers. 1.

*I. C. redit Ierusalem in Templum, ubi mulier adultera non judicatur.*

Et diluculò iterum venit in Templum, XCVI. & omnis populus venit ad eum, & sedens docebat eos. Adducunt autem Scribæ & Pharisei mulierem in adulterio deprehensam, & dixerunt ei, Magister, hæc mulier modo deprehensa est in adulterio. In lege Moyfi mandavit nobis hujuscemodi lapidare. Tu ergo quid dicis? dixit eis, Qui sine peccato est vestrum, primus in illam lapidem mittat. Audientes (hoc) unus post unum exhibant, incipientes à senioribus: & remansit solus Iesus, & mulier in medio stans. Iesus dixit ei, Mulier, ubi sunt qui te accusabant? nemo te condemnavit? Nec ego te condemnabo. Vade, & jam amplius noli peccare. Ioan. 8. vers. 2... 11.

Et alia vice dat Iesus testimonium de seipso, qui Christus sit Filius Dei, ipsi autem Iudæi à patre diabolo, qui veritatem dicenti, & tot miracula facienti non crederent, sed & eum interficere vellent. Ioan. 8. vers. 12... 9.

*I. C. cæcum à nativitate illuminat.*

Et præteriens Iesus vidit hominem cæcum XCVII. à nativitate: & interrogaverunt eum discipuli ejus, Rabbi: quis peccavit, hic aut parentes ejus: ut cæcus nasceretur, Respondit Iesus. Neque hic peccavit neque parentes ejus, sed ut manifestentur opera Dei in illo. Hæc cum dixisset, expuit in terram, & fecit lutum ex sputo, & linivit super oculos ejus, & dixit ei, Vade: & lava in natatoria Siloë. Abiit ergo & lavit, & venit videns. Pharisei autem hujus miraculi cum gloriam Christo detrahere vellent, alium pro cæco suppositum dicentes: Is qui cæcus fuerat, semel atque iterum confitetur Christum sibi oculos aperuisse, ideoque è Synagoga ejicitur, & paulo post à Christo edoctus credidit, & ipsum adoravit, Phariseis indignantibus. Ioan. 8. vers. 1... 41.

*I. C. Pastorem verum à mercenario distinguunt, seque bonum Pastorem esse dicit.*

Amen, Amen, dico vobis, qui non intrat per ostium in ovile ovium, sed ascendit aliunde, ille fur est, & latro: qui autem intrat per ostium, Pastor est ovium. Ego sum Pastor bonus, bonus Pastor animam suam dat pro ovibus suis: mercenarius autem, & qui non est Pastor, cujus non sunt oves propriæ, videt lupum venientem, & dimittit oves, fugit, & lupus rapit & dispergit oves: mercenarius autem fugit, quia mercenarius est, non pertinet ad eum de ovibus. Ego sum Pastor bonus, & cognosco oves meas, & cognoscunt me meæ. Sicut